

皇明經世文編

皇明經世文編卷之四百八

華亭 徐孚遠闇公 宋徵璧尚木

編輯

陳子龍臥子 夏允彞瑗公

姜爾珠慈授參閱

張洪陽文集

疏

張位

史職疏

史職

臣聞古者左史記動、右史記言、故當時聖君名臣經世之蹟炳然侈於後觀、歷代建置不同、厥任均重、我

祖宗時尚設起居注官故聖政記日曆諸書謨烈
孔彰允爲昭代啓佑之典後因詳定史職以翰林修
撰編修檢討專任紀載之事而起居注遂罷今國史
之員雖設其名存其實廢矣臣頃備員纂修切見
先朝政事不過彙括章疏之存者紀之若非出於詔
令形諸建白則近者以無據而畧遠者以不知而遺
中間精神脉絡每每不相聯貫致使聖代鴻猷茂
烈鬱而未章非所以媿前徽而光後範也舊聞史氏
以無所記爲合宜若遠者有作述則館中多疾之之不
中亦有隨所覩記暗疏之者因事無專責往往中綴

紀載既失其職徒令野史流傳淆亂失真甚亡謂也。
○案○待選而○已○

況不值纂修則史官充位無以自效徒日費大官供給循名責實其將謂何茲事關係不細舉世知之以爲宜復久矣恭遇 聖曆更新明良會合凡典學勤

政都俞儆戒盛美之事有不見於章疏而爲中外傳誦者甚多紀載無徵誠爲缺典夫當職而不能舉守官之恥也 主上明聖而德不布聞有司之過也以

臣愚見今不必大爲更張別創名秩第今見在諸臣日輪數人進直史館候有明旨及朝講召對宮禁遊

習凡一言一行爲師保大臣所及知者謹據見聞敬紀之其各衙門所奏所行大事疏下六科者亦據緣繇紀其節畧藏之秘府以備參考且今之史官將以儲講論弼直之選者也學古而未通今奚以待用誠使之日有見聞明習國家政體異時備顧問當大

事不患無具夫天下事不知其非而安之猶可言也今明知之轉移無難逡巡莫肯先發欲何待也臣切憂之不特此一事爲然伏乞勅下閣部會同計議如果臣言可采事體無礙特賜斟酌施行則盛美傳

而國典備職業修人才儲於治道未必無補萬一
矣。

疏上禮曹覆行事見張鳳盤集中

建輔城定兵制疏

建城制兵

奏爲建輔城定兵制以鞏萬年

皇圖事臣聞之易

曰王公設險以守其國書曰申畫郊圻慎固封守以
康四海蓋險不設則不可以守國尊嚴王畿則根本
固而天下蒙安。國家定鼎燕京雄勝超越九重
居守三面鄰邊固與前代建都中原者不同。成祖

文皇帝三犁虜庭。兵力強盛。草創建設。以俟後人。念自大寧撤防。東勝失守。關隘彌近。拱衛宜嚴。今京東

形勝遠近了然在目

距薊鎮不二百里。京西去宣鎮不四百里。東南之去天津海口不二百里。西南之去紫荊關路不三百里。朝衝隘口。夕抵郊原。鐵騎乘風。勢不可遏。夫以天下至重之地。而伏至危之形。防護未周。形勝未備。咸抱隱憂久矣。嘉靖庚戌年間。虜騎闖入邊關。徑至城下。輦轂萬姓。米糗所需。城門一關。內困外阻。況今虜情叵測。倭防正殷。桑土綢繆。尤當亟慮。臣竊以爲宜於

近京周圍十里內外。卜擇水土善利要害處所。特建
輔城四座。護衛京師。每城置兵萬人。內設營房。以處
軍士。外設教場。照常操練。聲勢犄角。有恃無恐。猝有
此言深于防守之計
外患。城門可開合。無遵照 祖宗五軍舊制。即以三

大營見操官兵爲中軍大營。其四城應撥營兵各萬
分練。或查取京衛五十四屯。及京營三屯餘丁。挑選
精壯以充其數。擇前後左右五府見任官知軍事者
統之。俱聽戎政大臣節制。偏裨將領一視大營之制。
城內兼置倉場。各貯一年芻粟。再設憲司文臣二員。

監操督餉。令熟兵事。以儲邊才。量撥近城田地給軍耕種。以優養贍。四隅聯絡墩堡。以嚴守望。周遭開通溝洫。栽植樹木。以扼戎馬。險足以守。兵足以防。此誠國家強本之圖。萬年不拔之計也。嘗考漢設南北二軍。宋設禁廂二軍。彼此相制爲安。我太祖定鼎金陵。長江天險。復設浦子口大營。屯兵積餉。具有深意。江防遺意。此疏得之。伏見今之講武者。但計兵力。不考兵制。蓋兵弱則有耗費之患。而兵強則有肘腋之虞。虎豹在山。牙爪自恃。尾大不掉。輕重倒持。宜令各將官。於營軍中。揀擇

壯勇千百名。稍厚廩餼。常置左右。即以此千百人充
伍長甲正部隊名色。視將領官職崇卑。以定多寡差
等卑。名分相維。苦樂相通。臂指可使。緩急可賴。或一
營揭挺。彼此勢足。以相制。或一夫脫巾。上下力足。以
相鈐。分數既明。多多益善。此又爲將領強本不特可
行於京營。而且可行於各邊者也。若言四輔之城。兵
力尚少。則請於畿甸八府州縣民壯中。再行挑選充
數。或以入班之軍。酌量湊補。或以召募之衆。事寧續
增。仍令巡視京營科道官一體稽閱。此制一定。不惟

可壯君重馭輕之勢。且可弭驕悍譟呼之事矣。或謂營建多費。時詘舉羸。然久遠之圖。豈必旦夕之就。期以數歲。何患其遲。或謂守在四夷。在德非險。若爲堂與之備。恐示張皇之形。徒襲常談。終誤大事。蓋非常之原。黎民所懼。及臻厥成。天下晏如。今夫富人之家。欲防外侮。必須固藩籬。守門戶。而後室家即安。戒僮僕。嚴備禦。而後盜賊難犯。今建城制兵之議。是即固守備禦之策也。庶人且能爲一家謀。況以天子之尊。可不爲皇居萬世計乎。謹繪城圖一幅。恭進

御覽伏乞 勅下該部及時會議待邊事稍寧次第舉行 宗社生靈不勝幸甚

得旨京師根本之地添築四城深爲鞏衛至計該部便看議來說

攻守要畧疏

寧夏攻守

臣竊見寧夏討叛一事初以招安而計畫多誤繼以攻城而士卒受傷師久無功祇緣未得攻取良法故耳夫攻城古無善策而况暴露炎暑之際仰面堅城之前賊逸我勞賊狡我拙徒驅數萬人日就殲地不

亦誠可哀憐矣乎。臣前遺魏總督及巡撫諸邊臣書

極言冒暑攻堅。兵法所忌。惟當分兵退虜。分兵圍城。

分兵護糧。分兵巡堡。

城。固。不。可。攻。當。斷。其。外。援。絕。其。一。

不當攻城。惟當困城。定時而迭

擾之。署部而專責之。務令我兵常得休息。彼賊日夜

應接不遑。不出十日。必將內亂。乘其倦怠。賈勇先登。

未有久而不破者也。臣又惟叛賊之所恃者。惟虜故。

二。事。指。責。清。明。

討賊必以退虜為先。我兵之所恃者。惟糧故。進兵必

以護糧為亟。今將士咸聚攻城。而莫肯別調者。則以

封拜重賞。歆動其心。功在他人。必爭必忌。各懷一意。

封拜重賞。歆動其心。功在他人。必爭必忌。各懷一意。

終難齊心。此言更透情事。且禦敵圍城有難有易，自求便利，人之常

情，竊以爲莫若重申軍令，定更番之計，遂報効之情。

一月爲期，兩將迭換，若成功時，退虜護糧，查照功次。

一體優叙，雖無封拜之錫，亦膺茂賞之恩，庶幾勸勵

均而衆志定，亦或一策也。輔臣趙志臯與臣在閣，相

與殫心竭力，每日商量調度東西邊事，凡選將徵兵，

儲糧運餉，及一切條陳章奏，種種要務，俱定議與該

部施行，無容煩瀆。臣於辦理公務之暇，簡尋故牒，及

叅以目所訪聞，遂掇拾編次，爲戎器要畧八事，攻城

要畧二十事，謹開列於後。進呈御覽，雖未閑軍旅之事，亦聊竭圖報之心。倘蒙皇上俯納芻蕘，勅下兵部，行與寧夏邊臣酌議施行。或以安邊討賊，未必無補萬一矣。古有運籌帷幄之中，決勝千里之外者，臣竊慕之。此外足兵足食，安邊要法，尚容思竭一得之愚，務令胡塵不驚，四塞寧靖，臣之願也。

議邊備疏

禦虜防倭

竊惟軍旅之事，其變不可先圖。其謀則當預定。謀必先定，而後擔當者有所恃而不搖。變無中制，而後決

勝者無所忌而自展。自古國有大事。必先定謀。若謀不預定。而泛泛爲之。則聽言行事。何所適從。盈庭爲政。而耳目心志惶亂矣。又况邊疆重務。可嘗試而漫爲之哉。愚見以爲今日西事。只宜緩困。不宜急攻。東事祇當近防。不當遠出。此其定謀之大槩也。今聞倭勢甚兇。海防宜備。請以邊防及海防分爲四鎮。如東則薊遼保昌爲一鎮。專以防虜。山海至登萊爲一鎮。專以防倭。西則宣大山西一鎮。陝西延寧甘固一鎮。如故。四鎮除戍卒照舊外。各練精兵三萬。每營三千。

此則以戰爲守。有先人奉

○人之心故雖小而足用

人車三百輛每鎮各聯列十營擇謀臣猛將統之禦
虜防倭不啻足矣四鎮計兵十二萬半騎半步總用
馬六萬匹即以省軍之餘寓裕餉之策又以省馬之
費裕足軍之需即厚給優養還省邊費大半足食足
兵不必他求矣再如前所建白京師四面增設輔城
四座墩四十座除京營外各練精兵三千亦半騎半
步倘信其言而實行之金甌磐石不啻固矣此外若
開荒地而聯保甲廣積粟而練民兵富強之策莫善
於此至於輕車當置器械當備召募宜速訓練宜精

主張宜定。信任宜專。議論宜省。怠緩宜徵。皆切要也。若西事。分兵禦虜。分兵困城。分兵護糧。分兵巡堡。以蕭李二將。各掌主客二兵。畫地圍城。以麻董二將。各統本鎮之兵。畫地防虜。多備糧餉。爲持久計。賊困日久。必將突逃。或設伏而擒之。或多方以購之。西方之所當定者止此矣。若東事。當設總督重臣。北自山海南至山東地方。撫臣以下。俱聽節制。濟寧以北。漕河以東。悉屬統轄。仍設總兵一員。駐紮適中處所。偏裨將領。分守海口。一如邊口規模。即以順天巡按御史

兼巡視之事。急宜查視海口要害。聯墩犄角。多爲溝
澗之險。多備火藥之器。分兵畫地。多方備之。南方海
船搖蕩。北人眩瞽。難堪。有船無人。空費可惜。止宜多
造漁船。并募漁戶。無事時聽其生理。有事時資其哨
探。凡遇村堡人稠。則教以團練鄉兵。人自爲守。堅壁
清野。毋資盜糧。再行朝鮮謀舉義兵四起。教攻擊之
法。助以火藥之具。待至鴨綠江邊。彼我前後夾攻。東
方之所常定者止此矣。夫變未形而預言之。每忽而
不從。變既至而方圖之。徒悔而無及。如信其言而行

焉斯國家之福，芻蕘之願也。伏乞 勅下九卿科道會議而行，人各有見，不必爲同人各爲圖，亦不必爲異。總在 聖明爲 社稷自斷而已。時哉機不可失，臣愚不勝惓惓。

經理朝鮮疏

經理朝鮮

竊見倭入朝鮮以來，皇上廓如天之仁，授之一卦以罷戰息民，至恩也。乃倭自絕於天，復渡海來，則廷臣交言朝鮮當救，我師當出矣。顧師當出而用兵方畧尚宜講究。昔漢臣趙充國有言：帝王之兵，以全取。

勝兵法言善戰者先據不可勝之地以示敵之可勝則所謂以全取勝也否則佳兵不祥易動難靜國
家之力專于一隅脫四夷內外或有蠢然而起又何
以應之前者屢奉聖旨勅朝鮮自行修備中國決
無數千里轉餉爲屬國防禦之理聖慮至深矣今
朝鮮旣不自強而必恃我以爲強倭去復來知我虛
實亦必念前計之未工將後謀之益狡此非可以虛
聲下偏師克者當作萬全之計絕僥倖之意多官所
議但詳言設官遣將出兵處餉之事而於戰守機宜

進止緩急尚爲濶畧。或欲搗釜山。據全愛。守烏嶺。恐有輕進玩敵之虞。或欲扼旅順。守鴨綠。屯寬奠。恐有隔遠遲誤之患。臣等以爲兵欲爭利。當爲自固之謀。先宜擇要害適中處所。以立根本不拔之基。使進可以戰。退可以守。戰則決能制勝。守則必其無虞。我欲戰則戰。非人可迫之而戰。我欲止則止。非迫於人而止。如此始爲萬全無憂之計。莫若干開城平壤二處。開府立鎮。練兵屯田。西接鴨綠旅順之師。使有所望而歸依。東爲王京烏嶺之援。使有所恃而奮躍。勢便

則遣輕兵而趨利。與倭決勝。勢不便則虎踞此處。足以壓其邪心。而禁其無橫逸。須得實心練事才力兼

全者。爲巡撫司道。而專任之。聽其便宜行事。中國之

人欲以功名自見于萬里外者。不少不問品流。願從

者。聽就中選其才能者數十輩。分署各處。爲之長師

人。以拒奴。爲上策也。

就朝鮮之人。雜之以漢人。齊之以漢法。教之以漢戰

變其偷惰之風。作其敵愾之氣。因而務農勸織。通商

惠工。廣樹蓄之源。問山澤之利。其地多銅。即山鼓鑄。

以資軍興。一年之後。本地之錢粟。可以爲餉。本地之

張公。極留意。於東事。止。因。爲。引。失。人。以。致。

○得○罪○去○囚○然○其○論○東○事○不○可○不○慮○也○
士民可以爲兵中國之轉輸歲減一歲而本地之物
力歲饒一歲但資以火藥利器供其所乏而不必一
一盡仰於 朝廷直待夷氛悉淨然後議撤如此則
賊知我之久屯不去必且鳥驚魚散朝鮮知我之久
屯必且景附響從以朝鮮防朝鮮不煩中國而藩籬
可厚倭奴可驅矣中國之大無難於一倭所爲難者
道路遠而費用多往返難而人馬敝彼爲主我爲客
故也今倭屯釜山者數年且耕且輸已握勝筭吾不
能然第欲以一旦之調發千里爭鋒利在速戰不利

持○久○勝○負○之○數○恐○未○有○歸○儻○因○糧○于○朝○鮮○而○不○我○繼○
求○戰○於○倭○奴○而○不○我○應○一○乘○吾○敝○禍○不○可○言○即○善○能○
相○持○而○軍○無○固○志○士○有○歸○心○勢○亦○危○矣○倭○有○屯○蓄○吾○
亦○有○屯○蓄○倭○有○轉○輸○吾○亦○有○轉○輸○自○寧○前○距○開○城○一○
千○四○百○里○已○據○朝○鮮○之○半○益○以○朝○鮮○諸○道○之○力○乘○瑕○
避○堅○可○緩○可○急○休○息○待○時○雖○不○速○進○蓋○已○不○爲○退○計○
矣○况○以○吾○之○步○卒○加○之○以○馬○騎○而○當○倭○之○徒○步○以○吾○
之○兵○矢○益○之○以○火○器○而○當○倭○之○徒○兵○則○必○勝○之○術○始○
制○於○我○開○手○既○定○得○一○步○則○進○一○步○次○第○取○慶○尚○忠○

清黃海等處屯守。又如前法。日逼月削。而蹙之。倭可

著于其畫之言

立盡無疑矣。凡舉事必先爲久計。而偶值其早完。則可苟先爲暫計。而若不克如願。豈不終可慮哉。今談者但忿倭之不恭。動以滅此朝食爲言。徒求快心。不念危計。不若從長計議。設置巡撫司道。帶領見調人馬。先屯二處。以資接濟。以立根本。仍明示德意。不責捷于旦夕之間。而以經畫長久爲計。烏嶺以南。相機進止。毋得浪戰損威。烏嶺以北。還定安集。不許尺寸有失。務使事舉而國不告乏。兵出而人不知勞。儻朝

鮮人不爲吾使。朝鮮財不爲吾用。又須更奏別議。勿悞大事。庶幾奏全勝之功也。既定此策。即當通登萊入遼之海路。從此轉餉以資軍興。從此渡軍以講水戰。使往來之人。不疲於陸。且令二鎮聯絡。可以相援。又以通朝鮮之黃城島。涉釜山而歸對馬。此爲長策。當急行者也。言者欲轉浙直舟師。從海入遼。北海風高。少山。無嶼棲泊之所。且船各有宜。宜于南者。不宜于北。以不習之卒。涉波濤之險。又經萬里之遠。大是危事。不若從內地至登萊。駕登萊之舟以入遼。此最

便安穩之計登萊舟雖不能猝辦從今議造亦未爲晚又今言兵者動稱南兵夫南方久不用兵所稱南兵非經戰之士盡市井之少年耳虛有其名實須教

習且南人風氣柔弱不耐寒苦體力之強亦不能過

北人獨其攻殺擊刺之法與器械戈甲之利本爲制

倭設者不可不循倣而用彼方老將猶能言之臣等

以爲招南兵不如求南將教練甚易與所募南兵參

而用之此亦長久之計也昔趙充國欲困先零則屯

金城諸葛亮再出師伐魏則屯渭濱羊祜圖吳則襄

陽墾田八百餘頃。其始至也。軍無百日之糧。及其季年。乃有十年之積。蓋以兵非嘗試之物。不得已而用兵。則當老成持重。長策而行之。今忠猷滿庭。臣等亦試陳其愚。雖機宜未必中。而意則昔人之意。不無可采。伏望 皇上勅下兵部。再加酌議施行。臣等不勝幸甚。

條陳禦倭七事疏

禦倭

昨接到總督尚書邢玠揭報。內稱朝鮮南原全州已失。倭勢甚大。該國官民紛紛逃散。漸遺空城。不惟不

助我兵不供我食、且將倉糧燒毀、絕軍咽喉、反戈內向、蕭牆變起、數枝孤軍、禦倭且難、又禦朝鮮之賊、益難、臣見此言、不勝駭嘆、看此景象、不但朝鮮難以保守、恐強倭乘此西犯、不數日可至天津、在我備禦之策、尚可泄泄而不爲亟圖乎、除用人選將聽該部公舉外、據臣愚見、謹將目下當行要緊事件、例開進呈御覽、夫七年之病已深、三年之艾未蓄、備而待用、猶患其遲、用而無備、後悔何及、伏乞聖明採擇、亟勅該部作速議行、國家不勝幸甚、

皇明經世編

張汝陽集
卷之一

集傳
圭

平

一固門戶。今倭兵西向之處。天津一門戶。登萊二門戶。淮陽三門戶。南京四門戶。浙江五門戶。福建六門戶。廣東七門戶。皆當預爲防守者。前三門戶在北勢近。後四門戶在南勢遠。今倭兵傾國而來。其意在北。宜抽調在南四處之兵。前來應援。請於天津近便地方。特設海防巡撫一員。總兵一員。各給勅書。專治

津正爲要地

今日報已并鮮天

海上事務。續調水兵。俱屬管領。聽其相險分布。以備戰守。仍令山東保定巡撫協力防禦。毋分彼此。其天津登萊遼海兵道。皆屬統轄。濱海軍衛有司。及各官

兵俱聽調遣。俾其增設險隘。蓋造墩營。繕治戰船。督
護糧運。訓練土兵。安排火器。料理屯田。北援遼東。旅
順南控登萊。淮揚聲勢連絡。大振軍威。此第一首務
也。

一懸爵賞。今罷閑罪廢將士。豈無抱才自惜。思以功
自贖者乎。士民之中。豈無天生英傑。扼腕自負。欲以
建功名於世者乎。誠宜下令。有罷閑罪廢將士。能自
費不貲。但云有功德。陞賞而已。何足以爲鼓舞乎。

率家丁出身赴敵者。但有功之日。一體陞賞。罷閑者
用有罪者貸。功高者一併優敘。儻能自備糧餉。不費

國給更視差等加旌。又下令天下不拘文武士商人等。如有能自出智力。潛詣日本。擒斬關猷者。許以封侯。能擒斬清正行長。及在倭有名頭目者。授以都督錦衣所等官。乞勅該部定爲賞格。頒示天下。將見海內豪傑。必有奮身報國者矣。

一詰戎器。倭之長技。惟刀與鳥銃二者。舊聞破倭利器。食筯最善。夾以鎗棍。前展大旗。亟宜多造教習。至若臣昔年爲西征事。所奏輕車皮牌紙甲床子弩千里城等器。已曾奉旨行於京營。九邊必有知之。曾

經繕就者。宜查式給送。此外水陸火器等項。砲鎗弓箭。及部庫所收硝黃見貯若干。俱即查數應用。若有不足。急爲儲峙。皆不可缺者也。

此誠乃足濟實用

一備海船。所取南船。宜速令赴登萊天津二處候用。或繇外洋。或繇內河。各從其便。昨聞閩中海市商船。五六百金可買一隻。用六萬金可買百隻。每船即募彼地慣熟操戰者百人。每人安家銀五兩。每千餘金。可得一船。爲船百隻。可得萬人。併行糧等件。所費十五六萬足矣。即今閩中巡撫議處。所能辦也。

一重餉務。今督臣羽檄紛紛。惟以告餉爲急。若大軍齊集。師徒衆多。則其所需芻糧尤廣。此不可省之費。亦不易集之務也。乃今以部屬郎官任之。勢雖行於各省。意難達於部院。官卑力薄。掣肘奚勝。亟宜特設才望大臣一員。專理邊海東征糧餉。多方講求足食之策。搬運之方。庶事權崇重。運量不難。此目前要緊一着也。

一調土兵。聞各處土官素蓄土兵。願報効建功者亦多。宜下詔頒示。但有各處土官情愿領兵征倭効用。

者。今其自備衣甲盤費。俟到朝鮮之日。給以行糧。有能擒斬立功。日後優叙。各於祖職上不次加陞。世襲蓋調土兵。最爲便利。前無募費。後易解散。誠宜取而用之。但貴賞格優而命令信矣。

一敘舊勞。前者平壤王京之捷。凡征用將帥。召募南兵。無非爲國効死耳。奈何功久不叙。人心缺望。且疑上命不信。恐蹈前轍。事雖已往。功係將來。宜令兵部將已前東征功次。悉依按臣查覆者。分別具奏陞賞。以示鼓舞。斯羣情思奮。後効可期。統乞聖明裁之。

揭帖

論東倭事情揭帖

禦倭三策

竊見 皇上軫念東征將吏爲國効勞 嚴旨催部
宣捷告 廟大行陞賞臣不勝歎羨 朝廷之上功
罪明賞罰信俾捨身報國之士不陷於忌功妒能之
口真 至聖至明一大作爲也臣見前者廷臣紛紛
爭辯東倭封貢蒙 旨一切停罷衆皆坐視無言兵
部亦未見善後方畧今倭使小西飛已去若倭奴忿
其不遂逞兵西向則朝鮮東南之事尚未息肩豈可

因目前未來，遂僥倖無事，而晏然不爲料理乎？夫謀不先定，則不可以應卒；事不預備，則不可以待敵。當無事而懈怠，遇有事而張惶，今日廷臣習態如此，非一朝一夕之故矣。臣竊計馭倭有三策：一曰戰，二曰守，三曰市。請言三策之利害焉。夫言戰者，急著也。聞倭大兵已去，惟留清正行長二枝，尚在釜山，以待夷使回報消息。彼久戍思歸，人心多懈，倘以精兵三五萬，擇勇敢之將，徑趨釜山，乘其不備，出其不意，一鼓而殲諸海上，令其畏威，永不敢犯，此一策也。但連年

士馬凋殘。糧餉匱乏。若倭或無意西犯。我不自取挑釁而多事乎。此戰之說。未必可遽行也。夫言守者。緩着也。自古中國未有爲外國遠戍之理也。兵疲絕域。餉苦遙輸。乃自耗耳。即甚富甚強。尚且不可。而況今日所處之難乎。只宜撤兵。近守鴨綠江界。積糧備器。選將練兵。若倭不來。可無慮矣。倭果再犯。朝鮮與國告急。則當命師撻伐。再爲收復。然後專遣文武重臣。往鎮其國。而代之治。仍封朝鮮國王。食租稅如故。督其民以興農積餉。教其民以習戰戍守。更置其長吏。

而修明其約束。以朝鮮之民力。守朝鮮之土地。中國不利其一絲一粟。以示天子無私。彼再詘於力。而

不能支。有不願從者乎。然所以必為此者何。蓋朝鮮

南界為我東海障蔽。倭奴據之。切近被災。此必不可

不守者。此一策也。但中國人鎮鮮者。豈能愛惜鮮人而為之生聚乎。必且虐用其民。彼將生心。故有他變可慮也。但恐朝鮮懷疑。事未遽就。代守日

久。或生他變。又或倭捨此南向。終涉無益。曷若仍令

朝鮮自修之為便乎。此徃守之說。又未必可行也。夫

言市者。長筭也。何也。馭夷之道。在量夷之情。倭之求

封者。因何。豈圖空名哉。終而為求貢也。其求貢者。因

何。豈。真。犯。中。國。哉。不。過。利。中。國。之。貨。物。而。有。無。相。易。也。此。其。情。也。前。見。倭。志。所。載。彼。地。產。金。銀。而。不。用。金。銀。所。少。者。中。國。絲。綿。器。用。諸。物。耳。今。閩。越。商。船。販。海。未。嘗。禁。絕。皆。私。行。耳。非。國。家。明。與。開。市。也。何。不。因。小。西。飛。未。到。倭。情。未。定。時。與。之。約。曰。汝。人。來。貢。不。可。爲。也。我。船。往。市。兼。可。受。貢。也。於。閩。浙。海。上。擇。商。人。有。身。家。者。定。其。船。隻。定。其。人。數。定。其。貨。物。之。等。定。其。去。來。之。期。不。許。私。帶。禁。貨。不。許。私。攜。非。人。臨。時。司。道。郡。縣。親。爲。簡。驗。面。看。開。洋。及。至。回。轉。仍。舊。細。查。嚴。爲。禁。

例犯者重治。或遣一佐貳文職押舡同行。倭有貢表

方物。即令回船帶歸。次年給賞。不但無費財之慮。每

無損。但不當急而後計之。

船還量徵税金以資海上軍餉。又一利也。惟有此一

策也。既順夷情。又免海患。行之若久。永保安靜。不猶

愈於徵兵費餉處處防禦之勞。無已時乎。以此往諭

倭奴。彼或不從。則遼左徵兵運餉。我之內備如故。靜

以待之。俟其來犯。一大創之。原無相妨也。除此三策

之外。恐良平莫知爲謀矣。臣爲國効忠。一得之愚

如此。伏望皇上細覽臣此三策。如以爲可行。將

御批特下兵部議行庶東方之事方有結局不致臨期錯亂致誤軍國大事矣

請止搭賣官鹽揭 鹽法

今日發下金吾左衛副千戶尹英等一本爲潞濯丹東捐軀報國少助大工以盡鄙忠事內稱揚州沉匿沒官鹽引請逐季挨次副搭變賣一年可得銀六萬兩進獻臣等竊惟我朝鹽法專備九邊軍餉而設國計所關莫此爲重累朝之講畫諸臣之條議取盡錙銖已無遺策矣大約欲其上不至於虧國下

不至於病商則其法可以久行而不廢。一經變動必此二語是口以口定之變法求益之弊足以佐奸商說詞據利致商賈不來國課減額矣。蓋商人先納糧草於邊然

之弊矣

後許其給引賣鹽。後以積鹽過多。掣單有限。故鹽日堆積而商人利日微。加以餘鹽新增。以致正課益壅。鹽法之弊今日爲甚。設若官鹽引事可以副搭。則巡鹽御史久宜舉行。不待今日尹英之請矣。奸商惟圖目前自利。故求越次搭單。徇其所言。雖得小利。恐壞大法。大抵鹽之委曲。非頃刻能盡所談。商之謀利。則百計必求巧中。今持一面之詞。臣等豈敢遽謂可行。

所以前票擬下戶部看議若果可行在該部必能仰體聖心以裕國用儻事體有碍亦望曲諒俯俞庶幾成法不至於廢壞邊計不至於虧損此事關係甚大伏望皇上俯從仍照前票或竟賜停寢不行臣等幸甚

回奏 御札揭

皇店採礦

臣等所爲汲汲効忠者惟皇店採礦二事昨所進言雖未能即停止也但皇店採礦據一歲所進爲數不多而官民賠賾之繁有什伯於此者加以原奏

棍徒假公濟私侵漁國課剝削民膏朝廷但見其進解之來而不見其貽害之大故臣等之意以爲採礦暫責成於撫按店課暫責成於鈔關即據見今已徵在官者盡行解進不許短少分毫或更有餘羨亦未可知以後槩行罷停而民間免騷擾剝削之苦則頌聲滿道皆欣喜愛戴皇恩於無窮矣其視今日愁苦怨嗟相去豈不懸絕乎若以差官可信撫按部臣不可信則國家財賦千萬皆託地方有司徵解耳目衆多法度嚴密誰敢爲欺其與無籍貪利之徒

漫無統紀。欺罔侵隱者。又豈不大相懸絕乎。此二事。臣等日夜思維。籌之至熟。故不厭冒瀆。切切爲皇。上言之。更望特發明旨。將差去採礦收店內外諸臣。盡取回京。責令該部奉行。嚴勅專責。撫按部臣。管領其事。伏乞聖裁。

皇明經世文編卷之四百九

徐孚遠闇公 陳子龍臥子

華亭

選輯

朱徵璧尚木 李 雯舒章

張安茂子美叅閱

沈太史文鈔

書

復黃內翰白夫書

修志

沈懋孝著

承手翰下詢志事以鄙見商之吾郡中事大當詳者
一日胡督撫之戰功始大捷于王涇皂林繼解桐鄉

皇明經世編

沈太史文鈔

修志

一

平露堂

圍。又受徐酋降事于平湖而旋卽殲之。此百世功不
可磨滅者。鹿門之文尙不甚詳。然而鹿門此時在事。
知其詳也。二曰劉太守保捍府城與區畫各縣守禦。

之備。此公古之誠毅人也。慮患之精。得民之深。近來

無與伍。其抗趙文華而得自展布于兵革倥偬之際。

此中甚難。非徒難其骨力。更須于展布。

非杰才孰能之。三曰劉兵道勇畧。擔負弓矢刀戟。皆

有絕藝。荆川往往遜之。在平湖臨敵率士環甲先登。

乃僕所知見。一時督撫筴于上。太守撫循于中。兵道

披執于外。皆吾土之長城也。痛定思痛。此等人何處

得來。四曰。胡趙二督撫相繼議處。海上兵餉。詎月出洋之備。甚有規畫。五曰。海上築立塘工。六曰。鹽筴田蕩。在民籍之外。其課人以佐大帑。其巡徼與海上之寇。太湖之盜。往往相關。此數事。述往待來。有裨民社。想高明已自注神。

再復黃內翰白夫書

鹽筴

承手教。詢及鹽筴之端委。大約初制甚善。屢易法則。弊竇日滋。而國無賴焉。往事更僕。未可數也。在隆慶初。廷議選擇二三大臣。載鹽書。顓理鹽屯。居歲餘。一

籌莫展。並乞疾以去。已而詢之其人。皆言鹽筴列在
歲入正額。無能別法。爲之轉移。故輸粟各邊。議減引
價。及以丁蕩銀兩。聽各場收買餘鹽之論。雖經條刺
題議。付之紙上物。皆云無可施行者。然亦其人無素
籌于胸中。取決司道一時之申議。司道官如方升之
○勞○苦○常○在○人○先○功○名○常○在○人○後○則○人○孰○肯○任○勞○而
日利于竟登霄漢。不耐以此身任事。而叢論議者之
○就○鈍○
口。卽二三大臣。無如之何。第以惜民仍舊之說。博一
○指○出○病○源○
老成持重名。卽如比年京東之營田。徐濟之膠河。皆
此套也。若使如管敬仲宛財之意。別有所貯。以爲之

代而得計倪劉晏者任之通融消息初制必有可復
夫鹽猶之泉也。當使如泉四布。流溢上下。用以裕國。
國愈富。用以足民。財愈多。如此大海。乃不能宣通其
利。而設厲禁于民。生食用之物。此不爲敬仲笑乎。又
何拙也。文學之論。大夫之言。各有所偏。所以相佐愚
以爲可兩用而兩無妨也。其在吾郡。原有轉運分司
專管嘉興路。又批驗商引。及鹽捕等項。郡邑皆有
專官。其田蕩歲課冊籍。胥吏具在。可覆也。第自清丈
來。中有二端。一則奸欺大姓。指田爲蕩。利于高阜。而

隱脫其膏腴之壤。二則官司偏執。又丈蕩作田喜于

此亦○不○能○克○

○ ○ ○ ○ ○

清查溢額以稱一日能察之譽故鹽平二縣多有田

蕩混淆之弊。小竈因而失業。舊冊因爲獎藪者甚衆。

然此又其小者耳。乃自條鞭來。議將船鹽等銀加于

田上。以便巡鹽使者易了事。無苛求此亦有司之自

爲筭耳。而捕鹽之禁。因以大弛者幾二十年。大戶不

巡徼。弓壯等皆有月例。無敢誰何。奸狼鹽豪糾結鄰

與寅昏無忌。東起上海。南至太倉。中通震澤諸湖。支

河千百道。往來若飛。每一縣興販。舟動以百。人動以

千。積而計之。舟動以數千。人動以數萬。往往聚諸不

今亦未嘗凡有此等事此議切於通泰而未必

逞。劫美利器。鹽出盜歸。甚且通于各沙。入于各島。與

于江府也

海上之兵寇相表裏。天下常如此。則可設使一日有
事。如勝國時。張方諸寇。可勝道哉。故各郡之大夥盜
羣。大抵皆藏身鹽豪之間。湖海之濱。若巡鹽使者。稍
爲銷彌抑制之。此百世之慮矣。今者志事萬一難以
發。凡起例。或于物產中。徐及鹽筴之強梗。蠶絲之織
造。如太史貨殖。當必有補于地方。嘗見太倉志。畧有
蠶母傳。言蠶事也。不審尊裁。謂之何。

答鹽運諸公論餘鹽

餘鹽

國初之法。盡收鹽筴以佐邊儲。故邊商之官引鹽。謂之官鹽。其引外之鹽。官常出金收小灶所餘者。貯之各場。以待商之至。謂之餘鹽。猶之乎官鹽也。如此。則小灶之鹽。皆官自籠之。此外無別鹽矣。其有盜賣者。乃謂之私鹽。此法所宜禁也。自後官無現價。以收餘鹽。小灶之鹽。常壅而無所滯。官又不許私賣。則民間用缺。鹽價日高。於是乎私販之豪。多艘結黨。明操利器。與官司捕役抗。以爭一旦之命。赴眉睫之利。亦危

之甚矣。三十年來。鹽船之銀。編在條編。小民之田。代爲出銀。文法甚寬。鹽禁亦弛。巡鹽使者。可不十日而歷一郡。故弓丁捕手。與鹽捕衙胥。屬不相儆捕。皆明與鹽豪。渾爲一局。各塲之鹽。因見私鹽。可以大行無忌。寧通同冒禁。以邀數倍之利。則今日者。滿地皆私鹽也。皆往時之餘鹽也。人知其禁之甚寬。如此。何從而取之。詰之哉。於是北來之商。守候支鹽。常若正鹽不敷。烏得有塲上之積鹽。商人掣鹽。滿船之後。所在行鹽。則官鹽難賣。私鹽反易售。又若於正鹽壅塞。烏

得有民間之餘鹽。浙中十五萬正鹽之引。常守支三
四年。前後不得了手。彼鹽商者。何從別出餘鹽銀兩
以佐公家之急也。今者中人將命。如庖羹者。先啜餘
瀝。安從得有鉅萬以應上之求乎。此事關涉至大。宜
慷慨力爭。一則別無餘鹽。必須加派。困擾商灶。年例
若定。貽害無了時。二則慮宵人再爲別說。有增無減。
三者商困則輟業。灶困則流遺。將來十五萬正引。必
致虧缺。又何以應邊儲之緩急哉。若以易簡之道論
例易必不可行也
之。小灶之鹽。官取其三。以克正引之額。官買其三。以

克引外之添。其四分者。任民自買自賣。特寬厲禁。則餘鹽皆有所澤。私鹽不禁而自消。私鹽消而官鹽正餘之引。皆得隨來而隨應。其便於商也。彌甚。則彼之上納邊儲者。將日以益多。民間食用之鹽。又得蕩然通行。合古不私其利之義。此亦百世之便也。鑄海始於管敬仲。而敬仲之書。注意在宛財。夫宛財豈特有裨鹽政。即大司農持籌上計。何以加此。

序

送戚將軍序

將帥

皇明經世編

沈太史文鈔

將帥

六

平露堂

今天下臨事論將。扼腕嘆乏人。而世果乏人乎。武科
登進。世胄推擇。即不足盡得士。然天下豪傑。繇此兩
途者。尚駢肩累足。歷歲年而不得効一日之用。又况
草澤屠釣間。無因得至前者乎。故論將者。平時既束
於格例。及有事也。乃欲收跼施非常之才。於緩急倉
皇時。而輕舉之。而姑試之。此又不可幾之數矣。自非
廣開招賢之路。越恒調而博求之。其何冀才之可得
乎。戚將軍者。當嘉靖季年。其父兄提兵與倭戰。數得
勝。將軍以父兄勞勛起家。竟以尺一不入司馬門報。

罷而當事者姑辟治東城將軍居東城幾十載練兵有法式頗嚴肅其麾下士亡有脆疲不任戰鬪者境內有事常倚辦將軍慷慨談夷情一一中窾會故一時帥府莫不才將軍也者竟格於例不得寃大用徒以其餘勇發之乎杯酒談論日與其徒較習諸技尤精於射穿楊貫蝨舞踴騰揚以此爲樂而已余數從戚將軍遊知其才武可以建鉞登壇余力不足推轂

傳大

將軍生今日萬戶侯何足道哉

即言之諸貴人前人亦拘論格例不信也在漢李將軍者當建武世不得封侯千古之下有餘憤將軍善

射戰戰類李將軍持重深謀又過之。弱冠受事。常思奮不顧身。揚父兄之烈。而惜乎無從一寃所設施。世人嘆息李將軍。猶在隔世。乃當將軍之世。竟失之。又何以云。今天下乏名將也。將軍聞余言。遜謝曰。不佞敢有非常之覬。獨念今聞外事。操士寬。操將急。急則失權。寬則養驕。以養驕之兵。馭以失權之將。殆以昔之將虞敵。而今之將虞士。以虞士心當虞敵之會。又殆已。以格之內限之。而以格之外操之。青萍于將。無以爲也。余太息其言。會東城人士。屬辭於余。故論及。

今日將才如是而世終無知之者爲可太息云耳。他
文○亦○有○風○致○日方閏多故天必不虛生若人吾知其必有遇也已
議

練兵始議

練兵

穆皇帝始載有石州之事時華亭徐公階在講帟前
得邊聲甚棘卒大司馬面奏云山西石州爲虜所攻
陷臣某等不敢蔽欺上爲惻然降旨憂邊計長便
於是總群議而挈其要曰擇將練兵練兵當先備京
師後鑰於是始議練薊鎮之兵時少司馬譚君綸副

總戎戚繼光。屢殲閩中倭寇。有功名。於是召譚爲大
司馬。召戚至京師。將授以練兵方略。使鎮北陲。初兩
君合議。當練浙中義烏諸兵。頗精効。以此入閩所向
克捷。及兩君既至。當事者問便計。則主練浙兵當北
勝之策虜。一時士大夫頗難之。謂捨現兵。再添餉。非便計也。

此亦非萬全必

戚將軍曰。廉頗思用趙人。此我二人經効之方。不可
易也。議久不決。會華亭公引疾歸。起新鄭高公拱代
相。高徐素不相能。遂寢其議。雖用戚將軍於薊鎮。使
練浙兵。然大非其初指也。是歲適俺酋戀其犢。受款

蜎。類。貢。市。之。議。用。而。戰。伐。之。謀。絕。口。無。論。者。矣。邊。無。
牧。馬。寧。成。且。三。十。餘。年。虜。日。飽。我。日。削。虜。伺。我。日。狎。
我。備。虜。日。疎。倘。練。兵。一。議。亦。撤。土。苞。桑。之。遠。筭。乎。余。
嘗。與。戚。將。軍。游。備。聞。其。說。將。軍。之。議。曰。國。家。與。虜。爲。
隣。旦。夕。烽。烟。可。通。甘。泉。庚。戌。之。虜。門。閭。闔。列。幃。焉。今。
諸。邊。兒。謂。宿。重。兵。二。百。三。十。年。來。尺。籍。幾。銷。盡。矣。每。
使。者。行。邊。核。尺。籍。借。馬。懸。羊。具。數。乃。止。太。平。耗。矣。莫。
敢。詰。焉。士。卒。之。勢。強。於。偏。禪。主。帥。流。易。不。常。掛。空。名。
其。上。核。實。計。餉。往。往。側。目。蝟。毛。以。起。邊。長。數。千。里。兵。

馬不能滿張謂之擺邊守垣士備人數耳可爲太息所得餉常

不及時又半入私橐此○提○戎○伎○備○輦載出刺載入要以上下相蒙

積習故套則謂之諳曉邊事矣間有武弁分餉養家

兵者僅以護其身備一旦緩急然九塞之將二百年

來亦無復對壘堂堂一戰者若及今鼓弦改調必在

○奉○額○有○次○第○

先練新兵新兵之威立將可自固以行其令乃可簡

汰舊兵核其名實兵得實用餉亦是如故繼光之意

略如其新書所云日月招揀選必甚少甚精須先有

此輩勇力出衆之人乃可教練以方畧常以器之用

配其人之能。必精必熟。萃鋒銳士。唯我指臂使。無不一當百。百當萬。此所以能有成功。若因仍舊伍。循習宿鑢。卽韓白無能見奇矣。夫戰以闢勇也。以決氣也。士勇技精。慣捷則氣倍。何神之有哉。余聞而嘆嘉之。因謂戚將軍曰。方今中國氣盛。二三有司。藉廟社之靈。支撐度歲月。亦或以無咎。萬一他時大更邊鎖。如公所規募者。自一石畫也。然兵無擇地。土着可久。浙兵之議。倘出一時權宜。以公雄畧。隨地成軍。市人可戰。何必專用浙人哉。時余友王子叔杲爲職方郎。甚

重戚將軍。思調停其事。兼練南北兵。未幾王子以議不協竟去。余爲記其始議如此。萬一異日者。有裁擇焉。

練兵議

練兵

公和云 隆慶三年上

今天下忠謀智計士。慷慨譚議曰。國之大事在備虜。備虜之策。必一大創之。乃無後患。而備莫急於練兵。人人能言之矣。自嘉靖庚戌。虜犯畿甸。二十年間。上所以變政易令。下所以陳力紓猷。既殫九州之賦。人以供邊矣。而兵終不可精。其故安在。患在議論紛綸。

人自爲見，卽有必然之畫，無從而信也。請試言其畧。
今夫平沙曠野，颶發湍逝，介數萬衆，馳突無前，此非
虜中長技。士大夫所習見乎？乘塞守障，數丈一兵，數
里一堠，虜攻丈隙，卽數千里之守，盡屬無用。此非罷
邊習態，又士大夫所熟諳者乎？當此時也，非痛革積
衰之習，作新戰士之氣，則兵不可練，雖練不成。卽今
秋防甫畢，春防繼之，其間無須臾之隙，以治部伍，擊
刺之具，故其勢不得不求兵於尺籍之外，而司計者
也求之尺籍之外可也
聞之，必將曰：每歲國課，不滿四百萬，餉邊者三百餘

萬即開納餒贖補湊且不給柰何復以養兵爲則持國論者其勢又不得不求兵於尺籍之內今日邊境之患非獨無將亦無兵非獨無兵亦無財非獨不練兵即練不能効何者練兵之効難以逆知養兵之費已無策可處固不若因仍舊套抽數枝之現卒耀訓武之先聲財不加益兵無後患外以告人曰此足揚天威而戒不虞也嘗觀宋事大類今日開寶間邊費止三十七萬自慶曆西師後漸增至二百餘萬仁宗全盛時養兵耗費濫觴如此其後龐籍一汰其半尺

伍漸耗。勢不得不變爲保甲。諸邊之兵遂削弱。不可舉。今天下控扼關險。威令振別。雖非宋比。而養兵無益之費。已大類仁宗全盛之時。又數十年將無爲筭矣。惜慶曆之良時。彌靖康之隱患。不曠然振發。與諸邊更始。安能定必然之畫哉。今日練兵之策有三。一曰定廟謨以通內外之情。二曰明儉德以儲緩急之費。三曰破格律以新智勇之氣。主上神武志在安攘。召一二文武大吏。練兵薊鎮。任其從長計處。可謂通內外之情矣。而內外猶若未同。臣敢妄論曰。練兵

之規模未定也。如前所謂備虜上策。必一大創之。乃無後患。必平時訓練。乃可決戰。必於春秋擺邊外。自爲一軍。三年而問其成功。少者又不足用。必具數萬之師。然後可。不然不効。竊意主上必當召股肱大

此戒大將之所嘆也

臣指掌深謀。如前之策。似不可已。卽一歲百萬費在轉移節惜。天下之大。亦何難處。不然者。一旦緩急。不知各鎮之標兵。京師之營兵。可得恃乎。否也。故具本末洞利弊。知緩急。識轉移。君臣一軸。將相一符。兵糧一律。模議一機。了然無疑。斷而行之。此所謂廟謨之

當早定者也。規模定矣，然後議節財。議人古之賢主，如漢文帝、唐太宗，躬自節損，屏除嗜玩，履儉德，先天下，豈好匹夫之節哉？凡以養兵振旅，彌卒然不測之患也。即位以來，內府之金亦以克溢，大異先朝。自今宜爲之籍，使計臣知之曰：吾以此供邊，必期十年之

萬曆年間宜進此策

積，建萬世之安。邊境之事，唯上所欲爲，將無不可。何者？唯財可以奔走而生死之也。不然，有節財之名，無供邊之實，尺寸惜之，尋丈耗之，緩急將安恃乎？至於邊餉三百餘萬，尤宜嚴覈而深稽之，苟其老弱不堪

也。制府大臣當一切汰之無疑。彼既老且弱，又安能
置然生變也。若夫將領漁尅之奸，勢要役占之弊，各
將官標兵私兵之費，送迎遺賂之習，積漸糜費，成一
常套。清之節之，歲歲積之，涓涓可以成江河矣。其衛
所輪番怯弱不堪之兵，宜遣回原衛，收其班直，以待
誰爲之強壯之用。如是則三百萬之費，必有數十萬可省。其
他如括天下無礙庫金，清理驛遞，稽查餒贖，以今現
行事例，並宜一一貯之，以待邊事。所謂明儉德以儲
緩急之費者，此也。昔者漢武帝當冒頓強大，漢事積

衰之後毅然作而新之。注目指顧。無非將材。奴隸可將。囚降可將。矧今天下無人哉。宜破格不次。懸明詔以待天下之智勇。示以上意所在。九九以上皆得自効。合天下之勇力。以選其鋒。合天下之智計。以佐其籌。采實不采名。在精不在多。行伍之間。儻得殊勇絕技者數千人焉。幃幄之前。儻得深謀練達者數百人焉。九軍之衆。自可鼓舞而前矣。至於將官臨敵。例不敢以尺五戰。必以募兵丁壯衛而先之。曰。令甲所不許。令勅以旗牌曰。不用命者罪。曰。必以軍法從事。至

於兩軍交戰。乃獨不許其損一卒哉。宜明析律意。以
示諸將。使虜入吾地。必以兵戰。逗遛遮餽。習故態者。
必無赦。則行伍之士。亦知勢之必至於戰。而將之威。
令可行矣。所謂破格律。以新智勇之氣者。此也。蓋自

景順以來。邊徼之事。大都以調停補綴。無開邊隙而

我之兵茲已不戰久矣

止耳。百五十年間。未嘗有成師一戰者。虜之玩我。徂
我。知其無大舉久矣。有如一且出虜不意。如雷電之
威。從天而下。必捷何疑焉。至於招揀教練。則一將之
議耳。國議廟議。先其大者。故敬言茲畧如此云。

終